

Hoz es il Di dal giat



AVUOST

Il Di dal giat

Quist di nun es pel giat!

«Quai es pel giat» as discha, sch'alch es invan. Ma il Di dal giat nun es per nögli! Ma bain pels giats e per chi tils giaja bain. Intuorn l'on 2002 haja dat il prüm Di mundial dal giat, e quai impustüt per render attent cha giats nu sun be charins per tils tegner sco sco bes-chas chasananas, ma bain chi's tils sto eir chürar bain. Lapro tocca eir da pisserar ch'els nu fetschan massa blers pitschens. Adüna daplüs giats vivan nempe sün via o in pensiuns da bes-chas. Il giat nun es adüna stat üna bes-cha chasana. Avant var 10 000 ons han ils umans cumanzà a domesticar ils giats, perquai ch'els han scuvert quant nüzzaivel chi'd es cha'ls giats

tschüffan mürs. I s'ha cumanzà a tgener giats sco bes-chas chasananas ed els sun dvantats buns cumpogns dals umans, els toccan per blers simplamaing pro la famiglia e's laschan jent charezzar e glischar. Savaivast:

- chi dà var 600 milliuns giats sül muond?
- cha giats dorman fin 16 uras al di?
- cha'l giat il plü vegl es gnü 38 ons vegl?

In Giapun daja ün giat tuot special chi porta furtüna: il Maneki-neko. Quist giat culla patta chi's mouva dess portar furtüna e benestanza in chasa. Las figüras as chatta perquai suvent in butias e restorants.

**Schi's discuorra dal giat:
Cugnuoschast quists möds
da dir?**


Cumprar il giat aint il sach.

Schi's cumpra alch sainza savair che chi'd es propa.

Esser sco chan e giat.
Esser inimis, duos chi nu vegnan insomma na daperüna.

**La saira mincha giatta
es naira.**

Cur chi'd es s-chür para tuot cumportabel e bel.



Zambraja ün min!

1

Tü douvrast:

- chartun ondulà
- rests da lana
- culurs d'acril, fieuters, palperi da culur, ögls cun pupilla movibla, etc.
- pinels
- üna forsk
- colla



mizli
min

Uffizi federal da cultura UFC

Schweizerische Eidgenossenschaft
Confédération suisse
Confederazione Svizzera
Confederaziun svizra



text: Chartrina Josty, illustraziun: Yvonne Gienal,
graficaz: Theres Jörgler, fotografia: Jörgler-Stauss
zambregia: Lea Dettorin
© Lia Rumantscha


KIDSFITSCH
Lia Rumantscha

- 1 Disegna la fuorma d'ün giat sün ün chartun ondulà. Guarda cha la fuorma nu saja massa pitschna.
- 2 Scha teis giat es nair o alb, culurischa il cheu e la cua cun culur d'acril.

- 3 Piglia ils rests da lana e creescha ün vesti per teis giat.
- 4 Tacha duos ögls, ün nas e mustazs ingio chi toccan. Disegna la bocca dal giat cun fieuter. Douvrast amo alch o es teis giat fini?

miquin minin mincal

1



2



3



4

